

天仙金丹心法自序

大道之傳與天地無終極顧授者無不傳之祕而列聖相延之心法惟智者觀其深耳且予之望人甚於人之求我金丹心法子輩所單心研慮盡神盡利以裁成者正思以嚴訪密求得其人以相與也乃作者已窮其奧會其歸發天地之玄要俾毫髮無遺憾而彼以輕心掉者罔計天人性命之防至以崑玉奇珍抵烏鵲而莫之恤嗚呼明珠暗投之憾詎忍言哉至如挾術以居奇甘自蹈於人琴俱碎是又失人於交臂而大公獨踞以爲私夫英賢麾拒於門牆而匪僻辱收於几席誰敢執其咎而俾隕越以貽羞故心法之傳以公道付諸天下傳道而機不盡洩

道藏輯要

金丹心法

一

壁集六  
×××

以待有心者自悟而未易爲一二流俗人言也抑予也掌教以來非一日矣生徒之辨香而齋邀幾億萬人矣顧二三子之從事吾門者率多於瞻禮之餘斬覲面而親色笑嗚呼曾亦思爾之願言良覲凡以冀一言指授而希誕岸之登耳今也邀七祖之寵靈而予亦得略參其末議揭波羅之諦以沾丐於爾後人雖使予面命而耳提道亦如是而止矣不少藏其蘊則能者可不輕露其倪則道非弋獲以不忍不傳之隱而隱詔以分明鄭重之思則後人之讀是書亦堪默喻矣是役也經經緯緯越三寒暑而乃成請命者妙法元君總其裁者二山笛史而訂正校讐之任則吾門之溪守靜華玄邱

純陽道者呂崑洞賓甫自題

道藏輯要

金丹心法

二

壁集六

正一天師清微弟子共百暨製作

道教學術資訊網站

